

Риёзус солиҳийн шарҳи / Риёзус солиҳийн шарҳи / 487-ҳадис

487 - وَعَنْ عَمْرِو بْنِ الْحَارِثِ أَخِي جُوَيْرِيَةَ بِنْتِ الْحَارِثِ أُمِّ الْمُؤْمِنِينَ رَضِيَ اللَّهُ عَنْهُمَا، قَالَ: مَا تَرَكَ رَسُولُ اللَّهِ صَلَّى اللَّهُ عَلَيْهِ وَسَلَّمَ عِنْدَ مَوْتِهِ دِرْهَمًا وَلَا دِينَارًا، وَلَا عَبْدًا، وَلَا أَمَةً، وَلَا شَيْئًا إِلَّا بَعَلْتُهُ الْبَيْضَاءَ الَّتِي كَانَ يَكْبُهَا، وَسِلَاحَهُ، وَأَرْضًا جَعَلَهَا لابْنِ السَّبِيلِ صَدَقَةً» رَوَاهُ الْبُخَارِيُّ [4461].

487. Мўминлар онаси Жувайрия бинти Ҳориснинг инилари Амр ибн Ҳорис розияллоху анҳумодан ривоят қилинади:

«Расулуллоҳ соллаллоху алайҳи васаллам вафот этаётганларида миниб юрган оқ хачирлари, қурол ва йўқсил йўлчига садақа қилиб белгилаган ерларидан бошқа на дирҳам, на динор, на қул, на чўри, на бирор нарса қолдирдилар».

Имом Бухорий ривояти.

Шарҳ: Демак, Пайғамбаримиз соллаллоху алайҳи васалламдан кейин қолган нарса бор-йўғи урушда ишлатадиган силоҳ ва битта урғочи оқ хачир бўлган. Фатҳ қилинган ерлардан кўп қатори теккан улушларини садақа, вақф қилиб қўйган эдилар. Мория Қибтия онамиз Иброҳим розияллоху анҳуни туққанлари учун чўри эмас, Умму Валад бўлганлар. У киши Пайғамбаримиз соллаллоху алайҳи васалламнинг вафотлари билан ўз-ўзидан ҳур бўлиб қолганлар.

Пайғамбаримиз соллаллоху алайҳи васаллам садақа қилган ерлар Фадак ерининг ярми, Қуро водийининг учдан бири, Хайбар, Бани Назирдан ўзларига теккан улуш ерлар эди.

Манба: hadis.islom.uz



HADIS.ISLOM.UZ
HUBUVVAT MARVARIDLARI

